



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

Vt omne[m] curiosam multiplicitate[m] vitemus. 10

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

LIBER III.

pe cum peccatum mediū sit inter Deū et animā.
 Porro, quantū peccata vitamus, vt Deus in nobis delectet, tantū in amore ipsius proficimus, tantūq; amplius aia illius gratia illuminatur. Deniq; si in corde nostro conclusus hortus esse velimus, consciētiam nostram per humilē accusationē confessionēq; reatum nostrorū mundā seruare oportet, indeq; cuncta vitia & defectus eijcere, & virtutes omnes in ipsa plantare, vulpesq; paruulas q̄ demoliunt vineas, a corde expellere, i. cunctas subtiles incidentias & cogitationes, aliasq; tales occupationes, quæ sæpe vineam, id est, cor nostrum, in quo passionē dñi florescere oportebat, dispergunt demoliunturq; ab ipso excludere debemus: vitare etiam diligenter omnem singularitatē, quia singularis serus domini vineam depastus a Propheta dicitur: & per timorem Dei ostia atque fenestras quinque sensuum nostrorum custodire atque concludere, cum scriptura dicat: Omni custodia serua cor tuum, quia ex ipso vita, imo & mors quoq; procedit.

Qualiter omnem multiplicatē & curiositatē vitare debeamus. Cap. X.

Porro, sunt nonnulli, q̄ ex toto sese cū naturali intellectu suo ad cœlestia cōprehēdēda & intelligēda erigunt, & miseri interiorē animæ suæ fundum defectusque suos negligūt & obliuiscuntur. Cuilibet ergo tali animæ sic extrouersæ sponsus in Canticis ait: Si ignoras te, o pulchra inter mulieres, egredere & abi post vestigia gregum, & pasce hœdos, id est, defectus tuos, iuxta tabernacula pastorum. Quare obsecro, pulchram eam dicit, nisi quia facta est ad

Z ij ima-

MARGARITAE EVANG.

imaginem Dei? Quare vero addit, inter multo-
 res, nisi quia impura & a vera simplicitate alie-
 na, plenaque imaginibus existit? Porro dominus
 ait: Vigilate & orate, vt non intretis in tentati-
 onem. Sane omni tempore circa defectus nostros
 vigilare, ipsumque dominum sine cessacione
 rogare debemus, vt gratiam suam nobis tribu-
 ar, quatenus ea, quæ ei placita sunt facere, &
 quæ displicent illi, vitare, atque nobis ipsis per-
 fecte mori, quatenus ille solus in nobis vivere
 possit, valeamus. Ipse namque ait: Sine me nihil
 potestis facere. ¶ Denique pro huiusmodi paru-
 ulis, id est, humilibus super fundum suum vigi-
 lantibus dominus in Euangelio patri suo con-
 tetur & gratias agit, dicens: Confiteor tibi pa--
 ter, dñe cœli & terræ, quia abscondisti hæc a sa-
 pientibus & prudentibus & magnis seculi hu-
 ius, & reuelasti ea paruulis, id est, humilibus &
 que simplicibus. Sapientes quippe hic dicuntur,
 qui exterius sapientes & docti hominibus esse vi-
 dentur, & apud semetipsos sapientes sunt, quibus
 procul dubio Dei sapientia occultatur. Prudentes
 vero sunt, qui futura prædicunt, & visionibus
 ac somnijs suis intendunt: & propter hæc aliquid
 se esse arbitrantur: ideoque & ab ipsis Deus
 interior sese abscondit. Magni vero sunt, qui
 magna quædam & sublimia comprehendere nituntur,
 multa quoque & magna arcana cœlestia con-
 templantur, & scrutantur ea, que sibi scrutari mi-
 nime licet, multasque intus imagines, tabernacula
 & multiplicitates circumferunt. Ideoque nec
 ad simplicitatem veram pertingere possunt, sicut
 illi, qui ab intus in simplicitate Deo vniti per
 nes fundum suum permanent, & vigilant circa

LIBER III.

defectus suos; de quibus nimirū internis ac simplicibus in Psalterio dicitur: Fundamenta eius in montibus sanctis, diligit dominus portas Sion super omnia tabernacula Iacob. Portæ nanque Sion, sunt bona voluntas, recta intentio, diuinus amor, ignita desideria, cordialia suspiria, & cōtinua suspensio in Deo. Sion vero speculum vel visionem pacis significat, de qua scriptum est: In pace factus est locus eius, & habitatio eius in Sion. Et: Elegit dominus Sion, elegit eam in habitationem sibi. Hæc requies mea in seculum seculi, hic habitabo, quoniam elegi eam.

De tribus hominis partibus, & qualiter vnaqueq; ornari debeat, & primo ipsis septem sacramentis. Cap. XI.

Sciendum est autem, vnumquemq; hominem ex tribus constare, spiritu videlicet, anima & corpore, quæ licet distincta sint ab inuicem, vnum tamen hominem constituunt: sicut & in quolibet templo pars illa communis omnibus, & chorus atq; summum altare, licet tria sint, non tamen nisi vnum templum efficiunt. Pars igitur illa communis omnibus, in qua omnes exteriori quodam modo, & in multiplicitate orant, corpus nostrum designat, quo tã Deo, quam proximis nostris inseruire, & externis quibusuis institutis ac ordinationibus communes esse debemus. Per chorum vero, in quo Deus in organis & canticis laudatur, anima nostra intelligitur, quæ cum omnibus viribus suis ad laudandum Deum in iubilatione erecta, & semper velut corda in cithara extensa esse debet: quatenus cœlestis ille musicus, & magister amoris

Z iij spi